

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2019/76, 24.10.2019թ.

**Բողոք բերող անձ՝** «Կոնցեռն-Էներգոմաշ» ՓԲԸ

**Պատվիրատու՝** ՀՀ առողջապահության նախարարություն

**Գնման ընթացակարգի ծածկագիրը՝** «ՀՀ ԱՆ ԳՀԱՊՁԲ-2019/34» գնանշման հարցում

**Գնման առարկան՝** «Գազի քրոմատագիր մասս սպեկտրաչափի համալրող մասերի և ծրագրերի հավաքածուի» ձեռքբերում

**Բողոքի պահանջը՝** Պարտավորեցնել ընդունել համապատասխան որոշում՝ չկայացած հայտարարել գնման ընթացակարգը:

## ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

### ՔԱՐՏՈՒՂԱՐ՝ Լ.ԱՆԱՆԻԿՅԱՆ

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



CONCERN-ENERGOMASH

“Concern-Energomash” CJSC  
“Կոնցեն-Էներգոմաշ” ՓԲԸ

Azaturyan avenue 26/8, Yerevan 0014, Armenia  
0014, ԲԲ, ք. Երևան, Ազատության պող. 26/8

Ֆեա./Tel.: +374 10 20 97 77, 20 97 75  
E-mail: info@c-e.am, www.c-e.am

**Գնումների հետ կապված  
բողոքներ քննող անձին  
ք. Երևան, Մելիք-Ադամյան փող. 1**

**ԲՈՂՈՔ**

**Բողոքի ամսաթիվ՝ 24 հոկտեմբերի 2019թ.**

**Բողոք ներկայացնող անձ՝ «Կոնցեն-Էներգոմաշ» ՓԲԸ**  
Տնօրեն՝ Բարկեն Թադևոսյան (անձ. AK 0588283, տրված 10.08.2010թ. 012-ի կողմից)  
Իրավ. հասցե՝ ք. Երևան, Արզումանյան 32-10  
Գործ. Հասցե՝ ք. Երևան, Ազատության 26/8  
Հեռ. 010 20-97-77, +37493 48-40-20  
Էլ. Հասցե՝ [lawyer@c-e.am](mailto:lawyer@c-e.am)

**Պատվիրատու՝ Առողջապահության նախարարություն**  
Հասցե՝ ք. Երևան, Կառավարական շենք 3  
Հեռ. 060-80-80-03  
Էլ. Հասցե՝ [hsargsyan@moh.am](mailto:hsargsyan@moh.am)

**Գնման ընթացակարգի ծածկագիրը.** «ՀՀ ԱՆ ԳՀԱՊՁԲ-2019/34» ծածկագրով գնանշման հարցում:

**Գնման ընթացակարգի առարկան.** «Գազի քրոմատագիր մասս սպեկտրաչափի համալրող մասերի և ծրագրերի հավաքածուի» ձեռքբերում:

**Բողոքի պահանջը.** Բողոքը քննող անձին խնդրում ենք Առողջապահության նախարարությանը պարտավորեցնելու ընդունել համապատասխան որոշումներ, ներառյալ՝ չկայացած հայտարարել գնման ընթացակարգը:

**Բողոքի փաստացի և իրավական հիմքերը, ապացույցները.**

Ա.թ. հոկտեմբերի 18-ին Armeps համակարգի միջոցով Առողջապահության նախարարության (այսուհետ Պատվիրատու) կողմից հրապարակվել է «ՀՀ ԱՆ ԳՀԱՊՁԲ-2019/34» ծածկագրով գնանշման հարցում:



Ուսումնասիրելով հրավերը, մասնավորապես՝ տեխնիկական բնութագիրը, եկանք այն եզրահանգման, որ առկա են պարզաբանման ենթակա կետեր, որոնք օրենքով սահմանված ժամկետում՝ 18/10/2019թ.-ին, ուղարկվել է Պատվիրատուին Armeps համակարգի միջոցով:

**Ըստ պարզաբանման բովանդակության՝** «խնդրել ենք պարզաբանել ՀՀ ԱՆ ԳՀԱՊՁԲ-2019/34 ծածկագրով մրցույթի գնման առարկա հանդիսացող «Գազի քրոմատոգրի մաս սպեկտրաչափի համալրող մասերի և ծրագրերի հավաքածու»-ի տեխնիկական բնութագիրը, ըստ որի պահանջվում է սարքը կիրառել «Սինթետիկ, կիսասինթետիկ, բուսական ծագման թմրանյութերի, հոգեմեդիկամենտների նյութերի որոշման համար», նշվածից հանգում ենք հետևության, որ սարքը կիրառվելու է նշյալ նյութերի որոշման նպատակով, ինչը չի պահանջում բազմակի մեթոդներ, որի համար անհրաժեշտ չէ աշտարակի և ֆիլամենտի բազմակի փոխարինում, քանի որ օգտագործվելու է ընդամենը մեկ մեթոդ: Բնութագրում նշված «Վակուումային շյուգ, իոնային աղբյուրի քարտրիջի արտահանման հնարավորությամբ, ինչպես նաև քրոմոտոգրաֆիկ աշտարակի փոփոխման հնարավորությամբ առանց վակուում անջատելու» պահանջը էական լինել չի կարող, այն բնորոշ է միայն մեկ արտադրող ընկերությանը, որը արհեստական խոչընդոտ է ստեղծում մրցույթի մասնակիցների համար, սահմանափակելով՝ գնման գործընթացին մասնակցելու հավասար իրավունքը: Հաշվի առնելով, որ տեխնիկական բնութագրում առկա են բազմաթիվ այլ պահանջներ՝ բնորոշ միայն մեկ արտադրող ընկերությանը, առաջարկել ենք վերանայել գնման առարկայի տեխնիկական բնութագիրը, վերացնելով սահմանափակումները և բավարարել օրենքով սահմանված մեկից ավելի հնարավոր մասնակիցների և արտադրողների մասնակցությունը»:

Պատվիրատուի 21/10/2019թիվ 2 որոշմամբ հրապարակված հրավերի պարզաբանման հայտարարության գրված էր, որ **«նշված բնութագրերը առնվազն համապատասխանում են Shimadzu ընկերության NEXIS QP 2020NX, և Thermo Fisher Scientific ընկերության ISQ 7000 մոդելներին և այլ արտադրողների մոդելներին»:**

Սակայն, այդ պնդումը չի համապատասխանում իրականությանը և չի համընկնում հրավերով պահանջվող տեխնիկական չափորոշիչներին ստորև նշված կետերով:

Հ/ Հ	Չափորոշիչ	Հրավերով պահանջվող տեխնիկական բնութագիր	Shimadzu ընկերության NEXIS QP 2020NX մոդելի տեխնիկական բնութագիր	Մեկնաբանություն
1	Վակուումային շյուգ, իոնային աղբյուրի քարտրիջի արտահանման	Առկա է	Բացակայում է	Վակուումային շյուգ առկա չէ

	հնարավորությամ, ինչպես նաև քրոմատոգրաֆիկ աշտարակի փոփոխման հնարավորությամբ առանց վակուում անջատելու			
2	Մասսաների ինտերվալը	ոչ նեղ քան 1.2-1100 Ա.Մ.Մ.	1.5-1090 Ա.Մ.Մ.	Չի համապատասխանում, քանի որ 1.2-1.5 և 1090-1100 զանգվածները հնարավոր չէ որոշել
3	Ջեռոցի ջերմաստիճանի աճի առավելագույն արժեքը	+125°C/րոպե	Առավելագույնը +120 °C/րոպե	Չի համապատասխանում, քանի որ 120-ից 125 տիրույթը ներառված չէ
4	Մակերեսի վերարտադրողականությունը	<0,5% RSD	<1% RSD	Չի համապատասխանում
5	Հայտնաբերման սահմանը	Ոչ ավել քան 5 ֆեմտոգրամ օկտաֆտորնաֆտալեն  Ոչ քիչ քան 2000:1	1 պիկոգրամ օկտաֆտորնաֆտալեն  Ոչ քիչ քան 2000:1	Չի համապատասխանում, քանի որ 1 պիկոգրամը հավասար է 1000 ֆեմտոգրամի, իսկ պահանջվում է ոչ ավել քան 5 ֆեմտոգրամ
6	Երեք հեշտ փոփոխվող դետեկտորի տեղադրելու հնարավորություն	Առկա է	բացակայում է	Հեշտ փոփոխվող դետեկտորներ առկա չեն

Նշենք, որ մեր կողմից ուսումնասիրվելուց հետո բնութագիրը ուղարկվել է Agilent ընկերության մասնագետին, որպես «այլ արտադրող», ով նույնպես հաստատել է, որ տվյալ տեխնիկական բնութագիրը հասանելի է միայն մեկ՝ **Thermo Fisher Scientific արտադրող ընկերությանը**: Ավելին, եթե մատնանշվեր «այլ արտադրողների մոդելները» մենք նույն մանրամասնությամբ կվերլուծեինք այդ մոդելների տեխնիկական բնութագրերը ևս:

Անհասկանալին այն է, թե ինչու Պատվիրատուի կողմից նախքան մրցույթի հրավերի հրապարակումը չի կատարվել շուկայի ուսումնասիրություն, չի դիմվել ՀՀ-ում առկա արտադրող ընկերությունների՝ Agilent և Shimadzu պաշտոնական ներկայացուցչություններին, որոնք ունեն նմանատիպ սարքերի մատակարարման փորձ:

Տեղեկացնենք, որ Agilent-ի պաշտոնական ներկայացուցիչը ի դեմս մեր ընկերության **ունի տեխնիկական սպասարկման կենտրոն, Agilent-ում վերապատրաստված, սերտիֆիկացված մասնագետներ, ավելի քան հինգ տարվա փորձ, գնման առարկա հնադիսացող «Գազի քրոմատագիր մասս սպեկտրաչափ»-ի առկայություն պահեստում, ինչպես նաև առնվազն երեք տարվա սպասարկման համար անհրաժեշտ պահեստամասեր:**

Մի քանի արտադրողների համար չի միջինացվել տեխնիկական բնութագրի պահանջները, այլ հրապարակվել է **«փակված»** տեխնիկական բնութագիր մեկ ընկերության համար, որը նույնիսկ չունի պաշտոնական ներկայացուցչություն ՀՀ-ում և նշվել է, որ «Հայտով ներկայացրած սարքավորման չափանիշները կգնահատվեն բավարար **միայն հրավերով** սահմանված տեխնիկական բնութագրի չափանիշներին համապատասխանելու դեպքում», սրանով իսկ սահմանափակելով այլ ընկերությունների հնարավոր մասնակցությունը:

Իսկ մասնակցության դեպքում էլ գնահատող հանձնաժողովի կողմից կարծանագրվի տեխնիկական բնութագրի անհամապատասխանություն, դիմելով լիազոր մարմնին՝ գնումների գործընթացին մասնակցելու իրավունք չունեցող մասնակիցների ցուցակում ներառելու համար:

Մինչդեռ բնութագրով նշված թմրանյութերի փորձաքննության խնդիրը հնարավոր է լուծել **ցանկացած արտադրողի** սարքով՝ լինի դա **Thermo, Shimadzu, թե Agilent:**

Պատվիրատուի պնդումը առ այն, որ **«առնվազն երկու և այլ արտադրող ընկերություն համապատասխանում է հրավերով սահմանված տեխնիկական պահանջներին»** չի համապատասխանում իրականությանը:

Այսպիսով, հիմք ընդունելով վերոգրյալը, հայտնում ենք, որ առկա է անհամապատասխանություն հրավերով սահմանված տեխնիկական բնութագրի և օրենքի պահանջի միջև, ըստ ՀՀ Կառավարության 02 մայիսի 2019 թվականի N 526-Ն որոշման 22-րդ կետի՝ այն է, որ **«Գնման առարկայի բնութագրերը և մասնակիցների որակավորման հատկանիշների գնահատմանը ներկայացվող չափանիշները սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ»:**

*Հեղևաբար Պատվիրատուի այդ պնդումը դառնում է անհիմն և իրականությանը չհամապատասխանող, իսկ տեխնիկական բնութագիրը ենթակա փոփոխման:*

**Ամփոփելով վերոգրյալը, խնդրում ենք պարտավորեցնել Պատվիրատուին չկայացած հայտարարելու գնման ընթացակարգը:**

Հիմք ընդունելով «Գնումների մասին» ՀՀ օրենքի՝ 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից:

Ինչպես նաև նույն օրենքի 51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

**Կից ներկայացվում է՝**

1. Բողոքը ներկայացրած անձի՝ անձը հաստատող փաստաթղթի պատճենը,
2. Armeys համակարգի միջոցով ուղարկված պարզաբանման հարցումը,
3. Բողոքարկման վճարը հավաստող անդորրագիրը:

Հարգանքով՝

«Կոնցեռն-Էներգոմաշ» ՓԲԸ

Տնօրեն՝ Բաբկեն Թադևոսյան

